

rum longa, totiq; Bæotia oppposita, angusto freto distat a littore. Olim Bæotia continua fuit Ambitus cccxv mill. patet Insula. Triticum, Leguminibus. Vino, Oleo, atq; Arboribus, imprimis quæ navib. fabricandis idoneæ, mire abundat. Metropolis fuit *Chalcis* nunc *Negroponte* de Insulæ nomine. In planicie sita est, ubi Mare in angustias arctatur. Clara hæc morte Aristotelis ibi mœrore extincti, cum causas Euripi sive Maris reciprocantis septies die ac septies nocte non posset reperire. Tamen si Suidas non mœrore animi, sed veneno ipsum exstinctum prodat; Laertius morbo. Sunt præterea urbs *Eretria* patria *Simonidis* Poetæ Lyrici: *Caristus* *Stephano Chironia* & *Agæa*, nunc *Caristo*, Marmore olim nobilis, *Hellia*, *Pirra*, *Nesos*, *Oechalia*. Scribit Strabo duos in hac Insula amnes esse, *Cerum* & *Neleum*, diversarum naturarum. Nam si animalia ex uno potent, albescit pilus eorum, alterius autem aqua pota, pellem eorum nigram reddit. Est & Euripus quem Livius *Euboicum Sinum* vocat, rapidum mare, & alterno cursu septies die ac septies nocte fluctib. invicem versis adeo immodice fluens, ut ventos etiam, ac plenis velis navigia frustretur. Mons item *Caphareus*, Græcorum ex Illo redeuntium clade nobilis, ob interfectum ad Trojam Palamedem, Euripidi Nauplii insulæ Eubœæ Regis filium.

Soli fertilitas.

Urbes.

Flumina.

Cerigo.

CYTHERA Ptol. olim *Porphyris* Plin. & *Porphyrysa* Eustathio dicta a Marmoris Porphyretici copia, quo Montes abundant: hodie *Cerigo*. Prima Maris *Ægæi* insula ad Occalum è regione Sinus *Laconici*. Distat a littoie *Peloponnesi* v mill. & in circuitu patet lx. Opidum habet eiusdem nominis, ac multos portus, sed parum tutos, atque circa ipsam Insulam sparsi sunt complures scopuli.

Insula.

Situs.

Opidum.

Rhodus.

SUPEREST in hac tabula Insula *Rhodus*. Hæc teste Plinio ante dicta fuit *Ophiusa*, *Asteria*, *Aethraa*, *Trinachia*, *Corymbia*, *Atabyria*, *Macaria*. Abest ab Asiæ continenti xx mill. pass. Ampla est mill. cxi. Cælo temperatissimo ac clementissimo fruitur: ac Soli sacra fuit, quod nullo non die Sol eam clarus aspiceret. Ager fecundissimus, pascui imprimis mira bonitas. Fructiferis etiam arboribus affluit, quarum multæ perpetuo sunt virentes. Vnicam nunc habet urbem munitissimam cognominem. Sita hæc in Orientali Insulæ parte, partim in acclivi colle, partim iuxta Maris littus. Portum habet nobilissimum, ac tutissimum, ac duplici muro, altissimis turribus xii, Arcibus v, atque alijs Propugnaculis munita exornataque admodum est. Celebris quoque olim ab Academia una cum Massiliensi, Atheniensi, Alexandrina, & Tarlensi celeberrima: & Colosso Solis æneo, qui fuit septuaginta cubitorum altitudinis. Post lvi annu terræ motu prostratus, iacens quoque miraculo fuit. Pollicem eius vix iustæ staturæ vir amplecti poterat. Digni maiores erant quam pleræq; statuar. Vasti specus hiabant de fractis membris. Duodecim annis Colossus effectus est, ccc talentis: intus magnæ molis saxa disposita fuere, quorum pondere opus stabiliretur. Sultanus cci Camelos ære huius statuar oneravit.

Insula.

Nomina.

Situs.

Soli fertilitas.

Urbs.

Persicum.